



ATASSUT

UKA 2015/107

Siverth K. Heilmann

04. 11. 2015

Soraarnerussutisiallit pissakinnerit nammineq inigisaminniittut illuminnut 100.000 kr.-it angullugit aserfallatsaaliinissanut pisariaqartunut tigusaqarnissaannik periarfissinneqarnissaannut Naalakkersuisut upernaakkut 2016-imi ataatsimiinnissamut inatsisissamik saqqummiinissaannik Inatsisartut aalajangiiffigisassaattut siunnersuut.

(Inatsisartunut ilaasortaq Ane Hansen, Inuit Ataqtigiit)

Siullermik inatsisartuni ilaasortaq Ane Hansen, Inuit Ataqtigiit aalajangiiffigisassatut siunnersuuteqarneranut qujanaq, imatullu ATASSUT-miit oqaaseqarfigissavarput.

ATASSUT-miit maluginiarparput, siunnersuuteqartup tunngavilersuuteqarnermigut INI A/S-ip aqutaani BSU-imi illoqartunut, illoqarfinni nunaqarfinnilu, illugisaminnut 100.000 kr tikillugit taar-sersugassaangitsunik aserfallatsaaliinissamut aammalu piumasaqaatitalimmut qinnuteqarsar-simanermut assingusumik siunnersuuteqartoq.

Oqaatigisinnaavara uppernarsarlugulu, taamatut periarfissiisimaneq aningaasaliissutillu annertugisassaangikkaluartut soqutiginnineq annertusaqimmat. Aningaasat illumut aserfallassimasunut iluarsartuussinermullu qujarunneqaraluaqalutik ilaatigut qinnuteqarnikut pisariaqartitsinertik naapertorlugu bank-imut atorniarariaqarneri nalunngilakka. Pingaartumik illup kiassaata (oliefyr) nutaanngililluinnarsimatillugu taarsernera ikkussorneralu akisuukasiusarpoq, aserfallassimasunul-lu allanut aningaasaliussaasut atornissaat killeqartorujussuannortarluni. Qinnuteqartitsinermi piumasaqaatinut ilaapput, illugisamut "akitsoqannginnissaq, sillimasersimanissaq, ukiullu tallimat iluanni qinnuteqartoqanngikkallarnissaq".

ATASSUT-miit maluginiakkatsinnut ilaavoq, siunnersuuteqartup qulequtsiinermigut tunngavilersuuteqarneralu ersernerlulaartoq, tassami illoqarfinniuppat nunaqarfinniuppallu qinnuteqartitse-riaatsit assigiinngiiaarput, ilaatigut isertitaqqussuseq aningaasaliinerillu itisilinngikkaluarlugit assigiinngiiaarneri ilisimagatsigit.

ATASSUT-miit neriuppugut, siunnersuuteqartup ersarissarumaaraa "Soraarnerussutisiallit pissa-kinnerit" ukiut suliffigisimasat annertussusaat, qanorlu toqqortaqtigisimaneq assigiinngittaqim-mat, pissakinnernik oqaraanni, minnerpaaffissaliinissaq annerpaaffissaliinissamilluunniit eqqar-sartoqarsimanersoq ersarissallaqqunarpoq?

ATASSUT-miit pingaartitarilluinnagaraarput, innuttaasut namminerisaminnik illoqarnissaat. Taa-maattumik kommuunet kattussuunnissaat sioqqulluguli kiisalu inatsisartuni qangaaniilli illugisa-minnik namminneq piginnittunngorsinnaanerap tapersersugarilluinnagaraarput piviusunngortita-gullu ikigisassaanatik. Nalunngilarpulli ilaqutariippassuaqartoq sulii illugisaminnut pisoqalisunut iluarsartuussinissamullu pisariaqartitsisoqaqisoq, taamaattumik aamma siunertarisimavarput aningaasanut inatsit aqutugalugu minnerpaamik 15 mio. kr.-init marloriaatinngortinneqarsinnaa-neri aammalu qinnuteqartitsinermi illutoqqat allat eqqarsaatigineqarnissaat.

Siunnersuuteqartoq ATASSUT-miit isumaqatigilluinnarparput oqarmat, sanasut assigisaallu minne-rit suliaannik annertunnginnerusunik suliaqarnissaannut periarfississagigut. ATASSUT-miit malu-giniarparput,



Naalackersuisut akissuteqarnermini periarfissaqartoqareenera tunngaviginerullugu siunnersuummut tapersiingitsut.

ATASSUT-miit qulaani tunngavilersuutigisagut innersuussutigalugit, inatsisartuni oqallineq, minnerunngitsumillu siunnersuuteqartumut itisilerinissamik kissaateqarnerput nassuiarluarneqarnis-saa taamaattoqarpallu ammaffigalugu, suliap aappassaaneerneqannginnermini ataatsimiititaliami susassaartumi peqqissaarullugu suliareqqaarneqarnissaa.